

PRÆLIBATIO  
EX VINDICIIS  
LOTHARINGICIS  
LIBRI II. CAPVT VIII.

*Ducatus Lotharingie Superioris est Terra Salica; ac proinde, ex Lege Saliorum, à virili stirpe in sexum muliebrem non delabitur.*



X communi Francorum sententiâ, Salica Lex solis maribus sceptrum & hereditatem defert, hisce verbis: DE TERRA VERO SALICA, IN MULIEREM NULLA PORTIO HEREDITATIS TRANSIT, SED HOC VIRILIS SEXVS ACQVIRIT: HOC EST, FILII IN IPSA HEREDITATE SVCCEDVNT. Verùm id apud Francos Orientales sancitum existimat Iacobus Cujacius, non apud Occidentales: *Separatis lib. 1* *libris, inquit, habetur lex Salica, & lex Francorum: hæc est feudis tit. 1* *Occidentalium, illa Orientalium.* Conradus II. Imperator idcirco nuncupatus est SALICVS, quia oriundus erat è terrâ Salicâ, Vormacensi nempe, cis Rhenum (Bruxellæ scribo) intra fines Franciæ Orientalis, seu vetusti Lotharingæ regni. Eadem dudum origo maioribus Conradi Salici, cujus quippe proavum cognominem Albericus, anno 944. facit patriâ Wor- *In C MS*  
macen- *macen-*

*Wormacensem*; & anno 1024. *Wormatia Ducem.*

olig.  
Brab.

ius vi-  
tea  
1140.

chartis  
alibi  
us.

S. Norbertus, Xantis Cliviæ, Diœcesis Colonien-  
sis oppido natus, qui à Franciscò Haræo cognomi-  
natur *Lotharingus*, ab Hugone Cameracensi, primo  
ejus socio, & in Præmonstratensis cœnobii dignitate  
primariâ successore, fuisse scribitur, *de illustri prosapiâ*  
*Francorum ac Germanorum Salicorum*; hoc est, *Austrasiorum*,  
qui erant Franci ortivi, dicti postea *Lotharingi*, qui-  
bus qui Regio jure imperabant, *Orientalis Franciæ Re-*  
*ges* inscribebantur. Ad illos ergo, (magni Cujacii ju-  
dicio) verè & propriè pertinet Salica Lex, cujus vi-  
mares soli majoribus suis in omnia jura succedunt.  
Sed expedit ortum Legis altius repetere, & sollicitè in-  
vestigare.

17.

Cùm Iulianus Imperator levandarum à tributis  
immanibus Galliarum rationem iniret, Datiano &  
Cereali Coss. (hoc est anno Christi 358.) Belgicam  
secundam adiit, *petiitq.* primos omnium FRANCOS, quos  
consuetudo SALIOS appellavit, ausos olim in Romano solo,  
apud TOXIANDRIAM-LOCVM, habitacula figere præ-  
licenter; cui cùm TVNGROS venisset, occurrit legatio præ-  
dictorum. Hæc Ammianus Marcellinus, Iuliani miles  
ac socius, qui Saliorum nomē deducit à consuetudi-  
ne, quam haud dubiè primùm induxerit ipsa terra &  
habitatio Salica, quemadmodum in nominibus ple-  
risque contigit gentilitiis. Narrat deinde Ammianus-  
quomodo inibi Cæsar, Francis perculsis, studio per  
vigili properans utilitatem fundare provinciarum,  
*munimenta tria, rectâ serie, superciliis imposta fluminis Mosæ,*  
*sub-*

*subversa* dudum obstinatione barbaricâ, illicò instauravit. *Lib.*  
 Toxiandria-locus, qui (iudicio Petri Divæi, Christo- *Brab.*  
 phori Brouveri, & Nicolai Vignerii) in Lotharingiâ *Lib.*  
 inferioris pago Taxandrio, etiamnum dicitur Tessen- *nal.*  
 derlo: Tungri populi in eodem tractu, & Mosa fluvius *renf.*  
 illac præterfluens, notæ sunt certissimæ habitationis *Toma.*  
 (tempore Iuliani Imperatoris) Francorum Saliorum *Bibliæ*  
 in locis illis, inter Scaldim & Mosam fluvios, in qui- *p. 88*  
 bus conditam fuisse à Francis Ortivis, sub Phara-  
 mundo Rege, legem Salicam ostendo perspicuè.

Ita Sigebertus anno 422. *In Cl* Franci uti cæperunt legibus,  
 & LEGEM SALICAM dictaverunt, per quatuor gentis  
 suæ proceres, electos de pluribus, his appellatos nominibus, *Vso-*  
*gast, Bosogast, Salagast, VVidigast, in villis Germaniæ, Sele-*  
*haim, Bodohaim, VVindohaim. Hi quatuor proceres, per tres*  
*mallos convenientes, caussarum origines sollicitè tractantes, de*  
*singulis discutiendo, sicut LEX SALICA declarat, judicare*  
*decreverunt. Illæ tres villæ (iudicio Godefridi Vendeli-*  
*ni, abstrusioris litteraturæ viri) supersunt hodieque*  
 in Germaniæ inferioris campaniâ Brabanticâ, hisce  
 nominibus: *Zelheim, Bodersheim, VVindershoven.* Et  
 Zelheim quidem variante dialecto, sonat Teutonicè  
*Saliorum habitationem, cui ex alterâ parte Tamera fluvii*  
 Salicus vicus, vulgò *Zelck:* nec non &  
 prata, per quæ fluit Tamera, *Zelbemden* nuncupantur,  
 di est *prata Saliorum,* inter Erkam & Lumenam, Ven-  
 delini patriam dulcissimam, non procul à Disthemio  
 & Toxiandria loco.

Pergit Sigebertus, anno 430: *Clodius filius Faramundi*

A 3,

Rex

*Rex crinitus, regnat super Francos, annis viginti.* Francos intellige Salios & Ortivos, quibus dumtaxat Clodio Rex præerat, quippe qui arma sua in Gallias non intulit, ultra Mosam, Mosellam, Scaldim, & Somonam fluvios; intra quos pulsus Romanis, regnum suum stabilivit, in quo legem Salicam latè observatam fuisse constat ex monumentis fide dignis, quorum exempla singillatim proferam.

In Averbodiensi ordinis Norbertini monasterio, quod in Ducatu inferioris Lotharingæ situm (prope Disthemium & Asperum D. Virginis collem) leucâ dumtaxat horariâ distat à Toxiandria loco, servantur litteræ Ludovici Comitis Loffensis (qui postea Godfridi IX. Inferioris Lotharingæ Ducis socer) quæ sic habent in autographo.

IN NOMINE Sanctæ & individue Trinitatis, Patris, Filii, & Spiritus Sancti. EGO LUDOWICVS Dei patientiâ Comes Lonensium, notum facio præsentibus & futuris, quòd Waltherus Decanus Sancti Gereonis, & frater ejus Hubertus, libertatis suæ prædium, quod possidebant in Eicke, quæ super Mosam est, cum familiâ ad ipsum pertinente, & omnibus appendiciis ejus, tacti spiritu timoris Dei, Ecclesiæ Averbodiensi legaverunt, OBSERVATA SALICÆ LEGIS OMNICAUTE LA. Idem tæro Gualtherus Arnulfum de Dieft, hominem liberum, Advocatum suum faciens, donationem prædii sui per ipsum ad me pertulit, ut sub defensione & introductione meâ, Ecclesia illud usu caperet. Introduxi itaque Abbatem Andream in possessionem, & jurisdictioni ejus ex integro supposui. Cum autem careret Advocato idem prædium,

dium, causâ pacis & amplioris tutelæ, elegit me Ecclesia Averbodiensis ibi in Advocatum, determinato certo reditu pro Advocatiâ, per annos singulos, sex solidos videlicet, quos de manu Abbatis, vel Magistri qui loco præerit, minister meus accipiet, & perferet ad me. Erit verò tam ipsum prædium, quàm familia collata cum prædio, liberum ab omni Advocatorum exactione, sive imprecariâ vel angariâ, vel placitis, vel hospitii: æstimationem bonorum defuncti non consequentur ab heredibus, nihil à maritandis, nihil ab iis qui defungentur ab uxoribus expediti. Urgente autem necessitate, adductus ad placitum, tertium inde consequar denarium, & nihil amplius. Hoc ergo ut illibatum apud posteros meos permaneat, præsentia scripta sigilli mei impressione communio, ne res acta vacillet. Testes sunt Arnoldus de Diest: Arnoldus de Kefninc: Godefridus de Materberg: Cono de Diepenbeke: Conradus de Anbertinghe.

Acta sunt hæc anno Incarnationis Dominicæ, millesimo, centesimo, quinquagesimo quinto, Indictione 111. concurrente xv. Epactâ v. regnante Imperatore nostro Frederico.

Planum est ex litteris illis, observatam fuisse duodecimo sæculo Salicam Legem, in Lotharingicâ Francorum Orientalium habitatione, de quibus haud dubiè capiendus Otho Frisingensis Episcopus, ubi sic de Lege Salicâ: *Hæc nobilissimi Francorum, qui Lib. SALICI dicuntur, adhuc utuntur.* Vivere desit Otho Episcopus Friderici I. Imp. patruus, anno Christi <sup>cap.</sup> 1159. teste Radevico: Chartam dedit Ludovicus <sup>Lib.</sup> Loffensis Comes, anno 1155. in quâ Legis Salicæ in <sup>6. 1</sup> Lotharingiâ inferiore strictè observatæ luculenter me-

meminit: undè constat apertissimè illos ætate fuisse pares; adeoque Othonem Episcopum de Francis Orivis seu Lothariensibus locutum, non autem de Occiduis, qui nec Salici dicebantur, nec, vigeat apud illos, (quoad regni successionem) Salicæ legis usus: annis enim prænotatis regnabat in occidentali Francia Ludovicus VII. ius habens ab atavo Hugone Capeto Rege, quem vigore ductuque Salicæ legis ad regni gubernacula promotum nemo verè dixerit.

Sed & Cameraci quoque (regiâ Clodionis sede, citra Scaldim & Somonam fluvios) Salicam Legem antiquitus viguisse, discas è Vindiciani Camera-censis Episcopi ad Ioannem V. Papam epistolâ, quam sic adfert Baldericus Noviomensis ac Tornacensis Episcopus.

**NOTUM SIT**, *Paternitati vestræ, seu omnibus Sanctæ Dei Ecclesiæ prolibus, si aliquid de rebus nostris, locis Sanctorum, vel in substantiâ pauperum conferimus, hoc nobis procul dubio in æternam benedictionem retribui confidimus. Nos quidem de tantâ misericordiâ & pietate Domini confidentes, in conventu venerabilium Episcoporum nostrorum, coram Rege piissimo Theoderico, in generali placito, hanc epistolam roboravimus, roboratamq; in perpetuum fore optamus. Lex priscorum quoque exposcit auctoritatem, ut quicumque voluerit de rebus suis propriis, vendere, cedere, condonare, suum instrumentum SECUNDUM LEGEM SALICAM, licentiam habeat alligare, &c. Data octavo Idus Maii anno Septimo regni Domini nostri Theoderici.*  
*Regis*



*Regis, Indictione 11. hoc est, anno Christi 685. Came-*  
*racum in Orientali Franciâ situm erat, quod deinde*  
*regni Lotharientis civitatem fuisse, colliges è Sige-*  
*berto anno 1033. Et si Albericum libet audire ad an-*  
*num 436. Rex Clodio, inquit, Tornacum obtinuit primò, &*  
*inde Cameracum, & usque ad Summam fluvium.*

Verumenimverò, navigemus jam oportet ad-  
 verso flumine, ut Salici fontis ortum reconditiorem  
 tutius investigemus. Franci Germaniæ Superioris in-  
 digenæ; Rhenum citius transiverunt quam vulgò  
 credatur. Sub imperio Gallieni ignavissimi Impe-  
 ratoris, (hoc est sæculo tertio.) perrupto Rheni li-  
 mite, Germaniam invasere inferiorem. Aurelianus  
 paulò post totâ Galliâ vagabundos, ad Mogoncia-  
 cum, citra Rhenum profligavit. Sæculo dein quar-  
 to ineunte, pars illorum jam Romanis fœderata, à

Constantino magno Imperatore, intra Gallias ad  
 habitandum fuit collocata. *Quid loquar rursus (ait Eu-*  
*menius Rhetor) intimas FRANCIAE NATIONES,*  
*non solum ab his locis, quæ olim Romani invaserant, sed à*  
*propriis ex origine suis sedibus, atque ab ultimis Barbariæ*  
*littoribus avulsas, ut in desertis GALLIÆ REGIONI-*  
*BUS collocata, pacem Romani Imperii cultu juvarent, & ar-*  
*ma deletu. Testatur subinde Ammianus (ut jam vi-*  
*dimus) ejusdem sæculi anno 358. FRANCOS jam*  
*tum dictos Salios, cis Rhenum apud Toxiandriam*  
*sedes habuisse. Illorum quoque in Gallias migratio-*  
*nem sic insinuat Prosper Aquitanus: Felice & Tauro in*  
*Coss. (hoc est anno Christi, 428.) PARS GALLIA-*

In P.  
 Conf.  
 ni.

Lib. 1

RUM propinqua Rheno, quam FRANCÆ possidendam oc-  
 cupaverant, Aetii Comitis armis recepta. Pars illa Gallia-  
 rum (meo quidem iudicio) non alia fuit, quam quæ  
 postmodum *Austrasia & Francia Orientalis* dicta est,  
 cuius Regia Sedes erat *Divodurum*, caput *Mediomat-  
 ricorum*, sub quibus *Ptolemæus* *Λιωνῆς*, seu *Tullenses*  
 collocat: *Strabo* enim disertè: *Μεδιωματρικὰς κατὰ τοὺς τοῦ*  
*Ῥήνου*: *Mediomatrici* accolunt *Rhenum*: hoc est ad Pro-  
 sperit mentem, propinqui sunt *Rheno*, scilicet amplitu-  
 dine finium & jurisdictione; sic enim *Cæsar*: *Rhenus*  
*oritur à Lepontius*, qui *Alpes* incolunt, & longo spatio, *PER*  
*FINES Nemetum*, *Helvetiorum*, *Sequanorum*, *ME-*  
*DIOMATRICORUM*, *Tribacorum*, *Trevirorum*, cita-  
 tus fertur.

Sed pergamus, per vetustatis nubes, *Salicum*  
 subire fontem. *Julianus* Imperator, *Francos* popu-  
 los, quos ad *Toxiandriam* dediticios exceperat, *Μοῦσαν*  
*τὸν Σαλίαν* vocat, hoc est partem *Saliorum*: certo indicio  
 aliam *Saliorum* partem alio loco citra *Rhenum*  
 (nempe ad fluvium *Saliam*, ut statim ostendemus)  
 jam ante confedis. *Francos* enim, qui adhuc trans  
*Rhenum* habitabant, *Julianus* alibi sine adiectione  
 nuncupat *ἑξ ἄλλης ὑπὲρ τοῦ Ῥήνου*, *Francos* ultra *Rhenum*,  
 quos tamen *Ammianus*, ejus in expeditionibus so-  
 cius, *Ansvarios* cognominat: *Julianus*, inquit, in li-  
 mitem *Germania* *Secundæ* est egressus, omniq. apparatu  
 quem fugitabat instans negocium, *communitus*, *Trajectensi*  
*Mose oppido*, (*Maeltrich*) propinquabat. *Rhenus* deinde  
 inmisso, *REGIONEM* subito pervasit. *FRANCO-*



RVM, quos ANSIVARIOS vocant, inquietorum hominum, licentiùs etiã tunc percurfantium extrema Galliarum. Ex quibus colligi datur, Francos Orientales Cistrhenanos, nominatos fuisse Salios; Transrhenanos verò Ansvarios. Ad has porro variantes populorum nomenclaturas, pertinent ista Procopii: Lib. 4. Goth.

*ἐν τῇ ἀνατολῇ τοῦ ποταμοῦ Ῥήνου ἐκ ἀπὸ τοῦ ποταμοῦ ἀνατολῇ τῆς γῆς τῶν ἐνθάδε ἐκαστοὶ μεταλάττονται ἐν δὲ τῇ ἐκ τῆς γερμανίας ἐκαστοῖσι τῇσι. Hi omnes quotquot circa utramque Rheni ripam incolebant, proprium quoddam nomen singuli habebant, quorum una natio, Germani dicebantur.*

Quandoquidem igitur nullis antiqui ævi testimoniis constat, Francos ultra Rhenum commorantes, nuncupatos fuisse Salios, quippe quos cis Rhenum domicilia jam habentes Iulianus Imperator, & Ammianus Marcellinus (Claudio, Zosimo, & Apollinari antiquiores) eo Saliorum cognomento primi affecere; ne in posterum quod apud nos est, longiùs & frustra perquiratur; ego planè sentio, Francos Cistrhenanos, dictos fuisse Salios, à fluvio Saliâ, qui oritur à Lindrio lacu, & apud Metas influit in Mosellam, de quo canentem audire juvat Fortunatum Pictaviensem Præsulem, Gregorio Turo-nensi cœxum, in carmine ad Villicum Episcopum Metensem:

*Gurgite caruleo pelagus MOSELLA relaxat,*

*Et movet ingentes molliter amnis aquas;*

*Lambit odoriferas vernanti gramine ripas,*

*Et lavat barbarum leniter unda comas.*

*Hinc dextrâ de parte fluit, quâ SALIA fertur,*

*Flumine sed fluctus pauperiore trahit.*

*Hic ubi perspicuus MOSELLAM cursibus intrat;*

*Alterius vires implet, & ipse perit.*

*Hoc METIS fundata loco, speciosa, coruscans,*

*Piscibus obfessum claudit utrumq; latas.*

Salia ergo fluvius non ignobilis, Mosellam cursu pauperiore defluentem, aquarum pabulo implet: Illius sic obiter meminit Ioannes Abbas, in vita S. Glodesindis Metensis, quæ vivebat sæculo septimo: Clericus monasterii ipsius, vicem officii Ecclesiastici in ordine proprio administrans, cui nomen Fulgebertus erat, FLUVIUM civitati à parte orientali contiguum, qui SALIA dicitur, causâ aliquâ trajicere gestiebat.

Salia sic etiam mentio in chartâ permutationis inter Lodovinum Abbatem Gorziensem, & virum nobilem nomine Erembertum, quæ sic habet: Dedit

igitur memoratus Abbas LODOVINUS, ad partem Eremberti, in PAGO SALNENSI, in vico qui dicitur Bodesio, mansum unum, &c. E contra dedit Erembertus in ipso pago prædium quod habet in longum perticas XXII. & dimidiam: in unâ fronte, perticas VI: in aliâ fronte, perticas V: in uno latere, ratio S. Martini: in alio latere, & unâ fronte, Bernardus tenet: in aliâ fronte FLUVIUS SALIA currit, &c. Facta commutatio in Gorziæ monasterio, anno ab incarnatione Domini DCC. XC. ind. VII: ep. XXVI: conc. III. anno III. regnante Domino Arnulfo Serenissimo Rege.

Sed eleganter nostrâ ætate Brouverus sic Saliam descripsit, cujus lufum, ex editissimâ turri Basilicæ S. Ste-

Stephani Metensis aspectaverat. Oritur is in confinio Sa-<sup>In</sup>  
 rari, è Lindrio stagno, baud procul Vinstinga, <sup>raſce</sup> ex oriente <sup>anna</sup>  
 surgens in occaſum; atque huius ex meridie verſus in ſeptentrio-<sup>Trev</sup>  
 nem, baud obſcura Mediomatricum oppida, Dieuzam, Mar-<sup>c. 17.</sup>  
 ſalum, Vicum, Memmenyum, præterfluit. At in hemiſphæ-  
 rio eiſcitatis, quâ longiſſimè proſpicitur ab occaſu, variis adla-  
 bitur meandris, nec coaleſcit ante, quàm cordis ſpeciem effi-  
 ciat; quâ abſolutâ rurſum coiens, appetit urbem, non unâ viâ;  
 verùm hæc ab ortu alluens, iſtâc ambiens à meridie, ubi juſ ci-  
 vium variis officiis adeptus, in mûm continenter alveum, cum  
 Moſellâ ſe colligit.

A ſale autem Lotharienſis ille fluvius, Salia dictus  
 eſt, eodem Fortunato teſte, in carmine ad Gogonem,  
 ubi Galliæ Belgicæ pleroſque fluvios ſic enumerat:  
 Ifara, Sara, Chares, Scaldis, Saba, Somena, Sura:

Sen qui METTIN adit, DE SALE nomen habens. <sup>Lib</sup>  
 Horum Scaldis & Somona, l'Escault & la Somme, in-  
 fluunt in mare: Charus & Saba, la Chere & la Sambre,  
 in Moſam: Ifara, l'Oiſe, in Sequanam: Sara & Sura,  
 la Sarre & le Saur, in Moſellam; ſicut etiam Salia, la  
 Seille, quæ à Sale, inquit Fortunatus, nomen habet.  
 Scienter equidem: Salia namque fluvio propinqui-  
 ſunt ſalſi Lotharingiæ Fontes, qui ſcaturiunt ad  
 Dieuſam, Marſalum, Mediumvicum, Salonam, &  
 Caſtrum Salinenſe: Dieuze, Marſal, Moyenvic, Salone,  
 & Chateauſalin: quibus locis aquæ muriaticæ co-  
 cturâ igniariâ in album Salem denſantur: nec longè  
 inde abeſt Salina Vallis, Ordinis Norbertini mona-  
 ſterium.

Francos porro, seu vi per ipsos factâ, seu jubente Romano Imperatore, Rhenum transgressos, prima domicilia fixisse ad Lothariensis fluvii *Salie* terras, ibique *Salium cognomen* adeptos esse, jure mihi persuadeo, propterea quod alii populi (de regno Lotharingæ omnes) à fluviiis, quorum ripas incolebant, nomina sunt sortiti, ut à *Mœno*, (qui Reginoni *Mogonus* est) *Mogonciaci*: à *Rurâ*, *Ribnarii*, vulgò veterum Gallorum, *les Ruyers*: ab *Elello*, *Elfatii*; ab *Hainâ*, *Hainonii*: à *Mosellâ*, *Mosellani*: quidni & à *Saliâ*, *Salii*?

Francos item è Superiore Germaniâ migrantes, substitisse ad salas propè *Saliam* fluvium aquas, admonet egregiè, populorum Germaniæ (qui à mari disiti erant, & novas sedes quærebant) studiosa sollicitudo, in Salinis obtinendis: quod de Burgundis Ammianus disertè, qui in *Capellatio*, inquit, *SALINARUM finiumq; causâ*, *Allemanis saepe jurgabant*: qui postmodum transito Rheno, fontes salios sale abundantes occuparunt in Sequanico, ad urbem Salinensem, Ledonem Salnerii, Grosonium, & alia loca.

Ardentioris autem illius studii causa erat, vana religionis species erga fœcundos sale fontes & fluvios, pro quâ audi disidia & pugnas (sub Neronis imperio) inter alios ejusdem Germanicæ gentis populos: *Eadem æstate* (verba sunt Taciti) *inter Hermunduros Catosq; certatum magno prælio, dum FLUMEN GIGNENDO SALE FOECUNDUM & conterminum vi trahunt;*

*super libidinem cuncta armis agendi, religione insitâ, eos maxime locos propinquare cælo, precesq; mortalium à Deis nusquam propius audiri: inde indulgentiâ numinum illo in anime, illisq; sylvis S A L E M provenire, non, ut apud alias gentes, eluvie maris arescente uuldâ, sed super ardentem arborum struem fusâ, contrariis inter se elementis, igne atque aquis concretum.*

Ego certè non aliter Francos cum Gallis & Romanis, quàm Burgundiones cum Allemannis, & Catos cum Hermunduris, decertasse existimo, ut S A L I Æ fluvii oras, salis fontibus contiguas divites, occuparent, tum religionis causâ, tum etiam utilitatis, cum sal adeò necessarium sit E L E M E N T U M, ut vita <sup>PL</sup> <sup>ca</sup> humanior sine sale degerere nequeat.

Cùm hæc scripsissem, repperi Papirium Massonum Salicæ Legis nomen à Saliâ Mediomaticum fluvio etiam derivasse. Gavissus sum me in viri doctissimi vestigiis pedem poluisse, etsi annales ejus pridem non evolveram. In ei certè mihi decretum manere sententiâ, dum meliorem invenero, vel probabiliorum litteratorum ejus promat industria.

Igitur jam adductis rationum momentis, addo ad integram meæ assertionis lucem, S U P E R I O R E S L O T H A R I N G O S Ragimbaldi Comitis ingenuos clientes, qui ad S A L I A M & M O S E L L A M fluvios habitabant, verè fuisse S A L I C O S, quippe qui sæculo decimo Salicis vivebant Legibus, ut existâ, Gorziensi chartâ est manifestum.

Q U A N T U M humanus intellectus valet mente sagaci



excogitare, oportet ut unusquisque pro salute animæ suæ, sollicitè edigilet, quatenus districtus iudex, neminem reperiat imparatum, dum venerit; & ne inveniatur quod dampnet, sed potius quod coronet: hoc est, ut unusquisque, dum in propriæ libertatis subsistit jure, de caducis & transitoriis, in æterna tabernacula vitam sibi quærat mercari perpetuam, & retributionem sibi faciat Deum, ut inter justorum consortium, desiderabilem obtineat locum. Hoc etenim ego RAGIMBALDUS, filius RAGIMBALDI & HERIBURGIS, mente revolvens sæpe: & quoniam sicut scriptum est, res Ecclesiæ, vota sunt fidelium, patrimonia pauperum, precia peccatorum, cogitavi ut aliquid de rebus à parentibus supradictis michi concessis, ob remedium animarum suarum, & ut ipse veniam de peccatis meis adipisci quæam, ac ut in die districti examinis securus adstans, illam desiderabilem Domini vocem audire valeam. Venite benedicti Patris mei, percipite regnum: ad partem Sanctæ GORZIENSIS Congregationis darem, quod & feci: TRADIDI namque PER MANUS FIDELIUM MEORUM LEGE SALICA VIVENTIUM, VVINEMANNI videlicet, & VVACHINI, atque GRULFI, prædium meum IN PAGO ET COMITATU SALNENSI situm, VITRENEICURTEM dictam, cum omnibus suis ædificiis & appendiciis, tam in domibus, quam in mansis, Ecclesiis, campis, pratis, vineis, sylvis, pomariis, villis, villulis, mancipiis utriusque generis, pascuis, piscatoriis, aquis, aquarumque decursibus, pontibus, ingressibus, & regressibus, mobilibus & immobilibus, & in cunctis quæ dici vel nominari possunt, ad ipsam Curtem pertinentibus, tam de concessis à parentibus, quam à

me acquisitis, ut quemadmodum ego illi dictum tradidi Aloidium, ita ipsi parti altaris Sancti Petri, quod est in præfato Gorziensi monasterio, ubi etiam venerabile pignus, corpus scilicet SANCTI GORGONII habetur, unde quoque, Sanctitatis memoriæ, AGENOLDUS esse dignoscitur Abbas, traderent & vestirent: eâ scilicet ratione, ut quamdiu FREDELINDIS conjux mea vixerit, usu possideat fructuario, nullum ex eis habens pontificium minuendi, quin potius augendi, emeliorandi, restituendi: ac proinde annis singulis in festivitate Sancti Gorgonii, quæ est V. Idus Septembris, pro vestiturâ, argenti libram persolvat. Post ejus quoque discessum, quandoquidem Deus voluerit, statim, & absque alicujus contradictione, hæ res, cum suis omnibus, ad jus & ditionem Abbatibus dictæ congregationis, & ad præbendam Monachorum, inibi Deo degentium, revertantur: habeantq; talem ex eis potestatem, qualem de reliquis ad eorum præbendam pertinentibus. Si autem ex ipso censu, negligens aut tarda extiterit, legemq; facere distulerit, similiter faciant. Deprecatus sum insuper, ut hujus facti scriptum in pleno mallo levaretur, & à COMITE, Scabiniis, aliisq; Deum timentibus firmaretur. Si autem aliquis heredum meorum, adversus hanc donationem à me factam insurgere voluerit, eamq; infringere tentaverit, prius iram Dei incurrat, ac Sanctæ Dei Ecclesiæ, cui vim intulerit, libras auri centum, argenti mille persolvat, & quod repetit evendicare non valeat. Actû in Villâ DEXTERIACA in pleno mallo, anno ab Incarnatione Domini D. CCCC. LVII. Ind. XV. ep. XVII. conc. III. Anno XXI. regni OTTONIS Imperatoris. + TEUTBERTI Comitis. Isti sunt Scabini.

† Sigiberti.

† Raginardi.

† Hugonis.

† Waltarii.

† Ripaldi.

† Warnardi.

† Angelbaldi.

† Luizonis.

† Aldrici.

† Item VValtarii.

† Roberti.

† Adelberti.

† Formari.

† Ottonis.

† Ego Adelardus Presbyter indignus, ad vicem Nortmanni Cancellarii, scripsi.

3. In Legis Salicæ Capitulis, mentio habetur hominum ingenuorum, qui lege Salicâ vivunt: cujusmodi erant clientes illius Ragimbaldi munifici datoris, qui Comitatu dignitate in Lotharingiâ superiore illustris erat, pluresque nobiles ab prædia beneficiaria, fide sibi obstrictos habebat, lege Salicâ viventes. In chartâ Frederici I. Ducis, anni 959. (quam alibi retulimus) admotum extat cum aliis hoc signum: † RAGIMBALDI COMITIS. In alterâ item Ermenfredi Gorziensis Abbatis, anni 984. mentio fit, hominum de potestate Bruoch, quæ à piæ memoriæ RAIMBALDO COMITE, perpetuò possidenda, tradita est sancto Gorgonio.

Gorziense porro in Lotharingiâ Monasterium, à Ragimbaldo Comite ditatum, construxerat Chrodegangus Metensis Episcopus, Pipini Regis, ex Sorore Landradâ, Sigiramni Hasbania Principis uxore, nepos, ac dotare incœperat, anno 745. in fine Haldiniacâ, in Comitatu Scarponensi, ubi Gorzia, fluvius confurgit, à quo Principi cœnobio nomen. Satrapie verò nomenclaturam dedit SCARPONA, (vulgò Scarpeigne)

castrum olim ad Mosellam munitissimum, medio itinere Tullum inter & Metas, ubi passim numismata, inscripti lapides & alia Romanæ antiquitatis monumenta eruuntur: Locus idcirco magis celebratus, quod ibi Iovinus Magister Equitum, sub Valentiniano Imperatore, divagantes licentiùs Allemannos, ad internecionem extinxit, anno Christi 366. Antoi  
Itine.  
Anm  
lib. 2

Observatione dignum, quod ille ortu & vitæ sanctimoniâ perillustri*s* Chrodegangus, qui in chartis dotationis Gorziæ, annorum 745. 754. & 756. Episcopi dignitate dumtaxat cohonestatur, in diplomate Pipini Regis, anni 757. nuncupatur *Archiepiscopus*: necnon & ipsemet chartæ alteri, de Curte in Paternivillâ, anni 765. ita subscriptus legitur: *Chrodegangus peccator Archiepiscopus: S. Griphonis majoris domus, fratris Domini Pipini Regis: S. Carli filii Regis: S. Hildradi Ducis: S. Rodingi Comitis, &c.* Ex Cl  
tul. G.  
zienfi

Cæterùm antiquum Scarponensem comitatum componebant istæ villæ: *Buxeriæ, Pinna, Pontibannum, Witelvilla, Vuasaticum, Bavonocurtis, Scamnis, Aconisvilla, Wittonevilla, Hornejus, Buriago, Badullovilla, Noviantum, Theocurtis, Mandris, Igmerocurtis, Ranulfovilla, Raginbercurtis, Geveardifossa, Arnaldivilla, & multæ aliæ.*

Ad Salnensem verò pagum (sivè territorium, quod vulgò *le Saulnois*) à Saliâ fluvio & Salinis denominatum, pertinebant loca quinque sale opulenta, quæ jam enumeravimus, & præterea villæ istæ: *Bioniscurtis, Gerberticurtis, Monsuironis, Domnobufivilla, Vitreneicurtis, Cuveriacus, vicus Bodesius, & alii.*

E pervetustis Gorzię chartis, antiqua illa vicorum nomina decerpsi, quæ si cum hodiernis appellationibus conferantur, perspicuè constabit illos omnes à Metensi civitate, Tullo, Musipo te, & Nanceio præcipuâ Ducum urbe, non procul abfuisse.

Restat ut superatis fontis Salici scopulis, sequamur  
 al. profluentem, & sic accedamus propius ad nostrum ævum. Edmundus Boullayus Caroli II. Lotharingię Ducis primus Fecialis, ubi agit de dissidio de quo nos pluribus sequenti capite) exorto inter Antonium Comitem Vaudanimontis, & Isabellam patruelē suam, uxorem Renati Andegavensis, post obitum Caroli I. Ducis, anno 1430. dissensionis argumentum sic exponit: *Illā controversia (quantum legi & didici ē quibusdam illius & vi pactiōibus) ideo excitata fuit, propterea quòd Comes Antonius asserēbat, non posse filias, LEGE SALICA, Ducatus Lotharingiæ hereditatem nancisci; ac idcirco Renatum, nomine uxoris suæ Isabellæ, Ducem esse non posse. Idem narratur à Francisco Belleforestio, Henrici III. Franciæ Regis Historiographo, sed aliis hisce verbis: Motionis Vaudemontani Comitis, ut militum copias cogeret adversus Andegavensem, affinem suum, in subsidium Burgundi, causa fuit controversia de Ducatu Lotharingiæ, quem ipse ad se pertinere contēdebat, utpote aptiorem juri successionis, quàm esset filia Caroli Ducis, cujus ipse nepos erat ex fratre Fridrico: asserēbat enim DUCATUM LOTHARINGIÆ SALICUM ESSE, nec debere ad feminā devolvi. Profert alibi idem Scriptor judicium suum de illā eadem lite, hocce verborum sensu: Interea Burgundus, qui Renatum Du-*



*cem in vinculis tenebat, videns eum solutionis cupidum, ut proficisci posset in Italiam, cepit liberationis eius rationes proponere; idq; per connubium Yolande Renati Filie natu majoris, cum Friderico Antonii Vandemontani primogenito, ut sic, pace inter illos conciliatâ, Ducatus Lotharingie remaneret penes Vandemontanum, ad quem legitime pertinebat, quia TERRA LOTHARINGICA EST SALICA.*

Denique Laurentius Bouchelius, in Bibliothecâ *lucis Francici* ad mentem nostram, & ad veritatem ipsam sic eloquitur: *Super eâ LEGESALICA, Fridericus Vandemontanus (fallitur in nomine, Antonius is erat Friderici filius) statuet at fundamentum litis, quam habebat adversus Renatum Andegavensem. pro Ducatu Lotharingie, dicens, DUCATUM ILLUM ESSE DE TERRA SALICA, nec idcirco posse ad fœminas transcribi: quo eodem jure consequenter DUX LOTHARINGIÆ illum hodie possidet. Non est clarior serena dies.*

Apparet igitur ex his quæ hæcenus in medium attulimus, primum quidem Legem Salicam, sæculo quinto ineunte, sancitam fuisse in pago Taxandrio, apud Francos Orientales cisrhenanos, qui prius à *Salici* Mediomatricum fluvio *Salii* fuerant denominati; quique dicti deindè *Austrasii*, ac postremò *Lotharingi*; quos Otho Frisingensis idcirco vocat *Francorum nobilissimos, & Salicos*; è quibus Conradus II. Imperator sæculo undecimo, & S. Norbertus duodecimo, *Salici* sunt cognominati.

Præterea constat ex litteris Vindiciani Camera-

censis Episcopi, & Ludovici Comitis Loffensis, sæ-

culo septimo & duodecimo observatam fuisse in Ortivæ Franciæ seu Lotharingiæ regno Salicam Legem: quam à Francis Occiduis sive Neustrasiis, in usum fuisse admittam, nullis hætenus prisca ævi innotuit instrumentis.

Evidens est tertio, è Ragimbaldi Comitum Lotharingi tabulis, superiores Lotharingos, Salicæ & Mosellæ accolæ, sæculo decimo vixisse juxta Legem Salicam, acceptam à majoribus; atque ad observanda ejus capita strictè obligatos fuisse.

Quarto & postremo, indubitata veritas est, ex Lothariensium, Francorumque historiis, sæculo decimo quinto palam assertum, & verò armis vindictum ab Antonio Comite Vaudanimontis, *Ducatum Lotharingiæ Salicum esse*, haud dubiè propter Salicæ Legis per manus & ætates ad illum usque traditionem; quinimò & ad usque tempora Boullai, Belleforestii, & Bouchelii; quorum narrationes Parisiis sunt editæ, prioris anno 1549. alterius 1579. tertii denique 1619.

Quæ cum ita sint, & ad faciendam meæ sententiæ fidem validissima suppetant argumenta, *minimè sunt mutanda* (ut Pauli I. C. verbis utar) *quæ, tot retrò sæculis, interpretationem certam semper habuerunt: adeoque repetito principio, certissimi juris esse concludo, Lotharingiæ Superioris Ducatum, esse Terram Salicam: atque idcirco, ex Lege Saliorum, ad solos masculos pertinere jus successionis ad illum Principatum, cujus Duces verè Salici, à CLODIONIS comati Francorum Orien-*

talium Regis præclarissimâ stirpe prosapiam ducunt; non item Occidentalis Franciæ Reges hodierni, quorum majores in Orientali Frâciâ Principatum numquam obtinuerunt; neque Odo, Robertus, & Hugo Capetus (qui primi ex illâ stirpe, auctoritate regiâ dominati sunt) genere Frâco-Galli fuere, sed extranei prorsus; à sanguine Caroli Magni, directo & masculino stirpitem non exorti; atque adeò per Legis Salicæ valvas, Franciæ Occidentalis Regiam haud ingressi.

Pr.  
alib

Ad extremum, etsi gratis à quopiam concedatur (quod nos omnino negamus cum veritate consentire) Legē Salicam valere apud Occiduos Francos, qui ejus authores non fuere: quanto magis attinebit ad Ortivos (quales sunt Lotharingi). qui eam condiderunt, & verò tutati sunt studiosè: superioris quidem Lotharingiæ Duces, constanter, ad hæc nostra usque tempora; Duces autem inferioris, donec Cæsarium indulgentiâ sequiori sexui ad successionem locum fecit, ut alibi ostensuri sumus.

# TERENTIUS ADELPHIS,

## Actu V. Scenâ I V.

*Numquam ita quisquam bene subductâ ratione ad vitam  
fuit,*

*Quin Res, Ætas, Usus semper aliquid adportet novi;*

*Aliquid moneat, ut illa quæ te scire credas nescias;*

*Et quæ tibi putaris PRIMÆ, in experiundo repudies.*

AVIA PERAGRO LOCA.

# LECTORI.

**M**Ultis haud dubiè salivam moverit isthac Prægustatio,  
in quâ leviter nonnulla perstrinxi, quæ Deo bene vo-  
lente ac propitio, lautioribus ferculis instructissima exhibitu-  
rus sum. Sustine itaq; paulisper moram, usque dum, adjicjalibus  
epulis, genio tuo veritatis amico fiat satis; & pauculos hosce  
Emaculatoris Typographici errores germanæ lectioni hunc in  
modum restituere ne gravêris.

Pag. 5. lin. 26. id est: pag. 7. lin. 25. desit: pag. 10. lin. 7. ΛΕΥΚΟΣ : pag.  
11. lin. 8. ἐκτρέποντες: lin. 9 ὀνομαζόντων: pag. 12. lin. 19. SALNINSE : pag.  
15. in marg. Childsberto : pag. 16. lin. 20. GIRON LFI.

